

SETLHA SA MOTŠHELO SA 2018 BAKENG SA BATHO KA NOŠI

Setlha sa Motšhelo 2018

Setlha sa Motšhelo sa 2018 bakeng sa Batho ka noši se thomile ka 1 Julae 2018 go bafaedi ba eFiling gomme makala a rena a butšwe go go thuša go tloga ka 2 Julae 2018.

Na matšatši a mafelelo ke afe?

Matšatši a mafelelo bakeng sa balefela motšhelo bao e sego ba motšwaoswere a šuthišeditšwe pele go dumelela nako e ntši ya go feleletša di oditi pele ga ge ngwaga o fela:

Kanale	Letšatši la mafelelo	Mohuta wa Molefela motšhelo
Ka bowena – posong go lekala la SARS	21 Setemere 2018	Balefela motšhelo bao e sego ba motšwaoswere le ba motšwaoswere
eFiling goba go faela ka elektroniki go lekala la SARS	31 Oktobore 2018	Balefela motšhelo bao e sego ba motšwaoswere
eFiling	31 Janaware 2019	Ba motšwaoswere

Go taonelouta Setlha sa Motšhelo sa 2018 ngwala matšatšikgwedi thwii ka go khalentara ya gago, [kgotla mo](#).

Maele a go faela pušetšo ya gago ya motšhelo

O se ke wa faela ge eba ga go hlokagale

Ga o hloke go romela pušetšo ge eba DILO TŠE KA MOKA di a go ama:

- Palomoka ya letseno la gago la mogolo / mogolo wa ngwaga bakeng sa (Matšhe 2017 go fihla ka Feberware 2018) pele ga motšhelo (letseno la kroso) ga di fete R350 000; gape
- O hweditše letseno la mogolo / mogolo bakeng sa ngwaga ka bottlalo wa kelo (Matšhe 2017 go fihla ka Feberware 2018) go tšwa go mongmošomo o tee; gape
- Ga ona putsetšo ya koloi/koloi ya khamphani/putsetšo ya maeto goba letseno le lengwe (mohlala, tswala goba letseno la khirišo); gape
- Ga o kleimi dikgogelo tša go nyalelana le motšhelo/diphokoletšo (mohlala, ditshenyagelo tša kalafo, dikabelo tšago ya phenšeneng le maeto, dikabelo tše dingwe tša phenšene tše di dirwago ke mongmošomo wa ga go)

[Ge eba ga o na le bonnete bja ge eba o swanetše go romela pušetšo ya motšhelo, kgotla mo.](#)

Maele a bohlokwa kudu: Ge eba o na le Nororo ya gago ya Boitsebišo le Nomoro ya Motšhelo o ka letšetša SARS Contact Centre go 0800 00 7277; kgotla 3 (bakeng sa nyakišišo ya go nyalelana le motšhelo) gomme o kgotle 1 go tseba ge eba o swanetše go romela Pušetšo ya Motšhelo wa Letseno (ITR12) ka Setlha se sa Motšhelo.

Go hwetša dintlha tša gago tša go tsena go eFiling le go diragape phasewete ya gago

Ditsela tše pedi tša go dira bjalo:

1. Tsena go [SARS eFiling](#) kgotla konope e tala ya LOGIN gomme o latele ditaetšo. Na o lebetše bobedi leina la gago la go tsena le phasewete? Sa pele tlatša tshepetšo ya Ke lebetše leina la ka la go tsena > letela tsebišo ya emeile ya gago goba SMS yeo e swerego leina la gago la go tsena > diriša leina le go tlatša tshepetšo yak e lebetše phasewete ya ka.
2. Letšetša SARS Contact Centre go 0800 00 7277 ka diiri tša mošomo. Dula o swere nomoro ya gago ya ID le nomoro tšhupetšo ya motšhelo ka letsogong. Kgotla menu wa tirelo kgetho 0 gomme o latele ditaetšo. Phasewete ya gago e mpsha e tla romelwa go wena ka emeile goba SMS.

Ngwadiša bakeng sa eFiling

O swanetše goba o le molefela motšhelo yo a ngwadišitšwego wa go ba le nomoro tšhupetšo ya motšhelo go ngwadiša bakeng sa eFiling.

Tsena go [SARS eFiling](#) > Kgotla > latela dikgato tše 7 tše bonolo.

Gopola, SARS e tla hloka diiri tše 48 go tiišetša le go dumela ngwadišo ya gago ya go dira.

Ge eba o hloka go romela ditokumente bakeng sa ngwadišo ya gago, o na le matšatši a 21 a kgwebo go dira bjale.

Na o hloka thušo ya go dira eFile?

Ka tirišo ya [Help-You-eFile](#), thušo e hwetšagala ka go kgotla fela goba go letša. Kgotla aekhone ya [Help-You-eFile](#), dumela mabaka le dipeelano gomme o kgethe Call Me. Agente ya SARS e tla go letšetša gommeya go thuša kgato ka kgato mola o le gare o diriša eFiling. (Tirelo ye e hwetšagala ka diiri tša mošomo fela).

Na o nyaka Nomoro Tšhupetšo ya gago ya Motšhelo?

- E hwetše go eFiling ge eba o ngwadišitše bjale ka eFiler. Tsena gabonolo gomme o nyake nomoro ya gago go letlakala la mošomo la Motšhelo wa Letseno.
- E kgopele ka molomo go SARS Contact Centre. Dula o swere nomoro ya gago ya ID ka letsogong ka ge re swanetše go tiišetša gore o mang.
- Kgopela mongmošomo wa gago.
- Etela lekala la kgauswi le wena laSARS. Tšea ID ya gago.
- E hwetše go Tsebišo ya Ngwadišo yeo o e hweditšego go tšwa.

Maele a bohlokwa kudu: SARS e ka se ke ya fa motho yo mongwe nomoro ya gago ya motšhelo, ntle le ge e le setsebi sa gago sa motšhelo goba mohlomongwe a na le maatla a boramolao a go šomana le merero ya ya gago ya motšhelo.

Na Molefela motšhelo wa motšwaoswere ke mang?

Motho yo mongwe le yo mongwe yo a amogelago letseno (goba yo letseno la gagwe le oketšegago) ntle le mogolo wa gagwe, ke molefela motšhelo wa motšwaoswere. Batho ba bantši ba go gola mogolo ke balefela motšhelo bao e sego ba motšwaoswere, ge eba gabana mothopo o mongwe wa letseno. Go bohlokwa go lemoga gore go amogela letseno la tokollo, ka tsela yeo e latelago, ga go go dire molefela motšhelo wa motšwaoswere:

- Ge eba o amogela tswala ya ka fase ga R23 800 ge eba o ka fase ga mengwaga ye 65; goba
- Ge eba o amogela tswala ya ka fase ga R34 500 ge eba o na le mengwaga ye 65 le go feta goba;
- O na le letseno ka go akhaonte ya dipolokelo ya go se tšheledišwe.

Ditokumente tša Thekgo

Ge o tlatša pušetšo ya gago, dula o swere ditokumente tša gago tša thekgo. O ka nyaka go šupetša go ditokumente tše dingwe tša thekgo, [bala tshedimošo enngwe](#).

Na o hloka thušo?

- Letšetša SARS Contact Centre go 0800 00 7277
 - O se ke wa ema mothalading wa senthara ya kgokaganyo – Diriša **kgetho ya Call-back** gomme agente ya SARS e tla go letšetša. Kgetho ya Call-Back o tla e fiwa ge eba o be o eme mothalading sebaka se itšeng sa nako. O tla botšišwa dipotšišo tše itšeng tša mong, go akaretša nomoro yeo o ka letšetšwago go yona. Ge mogala o tšweledišwe ka katlego, nomoro ya mothaladi e tla bewa gomme o ka fega mogala gomme wa letela mogala go tšwa go agente ya SARS ya bogwera gore e go letšetše. Bakeng sa Setlha sa Motšhelo sa 2018 tšhomišo ya Call-Back e hwetšagala ka diiri tša

mošomo tša SARS Contact Centre, go tloga ka Mošupologo go fihla ka Labohlano magarenga ga 8:00 le 18:00.

- E re agente ya bogwera ya SARS Contact Centre e go tlhahle mola o le gare o faela ka eFiling ka tirišo ya [Help-You-eFile](#).
- Etela lekala la kgauswi le wena [SARS Branch](#).
- O ka tla go enngwe ya [diwekšopo tša rena tša motšhelo](#) goba etela [SARS mobile unit](#).
- Ge eba o [lebetše phasewete ya gago](#) o ka e dira gape ka go letšetša SARS Contact Centre ya rena le go latela ditshepetšo tše bonolo. [Lebelela tshepetšo ya go itirela e bonolo](#).

Bakeng sa kakaretšo ya šedi ya Setlha sa Motšhelo sa 2018, o ka šupetša go ditokumente tše di lego ka fase: [Pocket Guide: Your No Sweat guide to Tax Season 2018](#)

- [Pocket Guide: eFiling for Individuals](#)
- [Service Charter](#)
- [Tax Rates](#)